

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمات

سنه لکی در سعادت ایچون مجیدیه
بکرمی غروش حسابیه التمش
غروشدر

طمره ایچون بوسته احرقت اوله رق
اون بش غروش ضم اولتور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور . محتویاتی امور عدلیه به متعلقدر

توضیحات

عدلیه نظارت جلیله سی شیفره ومهمه ممیزی
سعادتلو سعدالدین بک افندی حضرتلری نظارت
مشار الیها مکتوبچی معاونلککنه تعیین بیورلمشدر .

چورلی قضایی بدایت محکمه سی مدعی عمومی
معاونلکی صوفیلو قضایی بدایت محکمه سی مدعی
عمومی معاونی محمود جلال افندی به

صوفیلو قضایی بدایت محکمه سی مدعی عمومی
معاونلکی مارغلیچ قضایی بدایت محکمه سی مدعی
عمومی معاونی عون بکه

مارغلیچ قضایی بدایت محکمه سی مدعی عمومی
معاونلکی اچقه حصار قضایی بدایت محکمه سی
مدعی عمومی معاون سابق یوسف ضیا افندی به
تفویض بیورلمش ومومی الیم ذاتاً مخالف بولمشدر .

تبدیلیات

نواحی مرکز لرنده بولنان ناحیه مجلسلرینک
وظائف صلاحیه وعدلیه سنه دائر عدلیه نظارت
جلیله سنجه تنظیم اولنوب مرعیت احکامنه
لدی الاستیذان اراده سنیه جناب خلافتپناهی
شرفتمتعلق بیورلمش اولان نظامنامه صورتیدر :

برنجی فصل

مجالس مذکوره نك صورت تشکیلی حقنده در
برنجی ماده اداره عمومی وایات نظامنامه سنک
الی التبعی ماده سنده کوسترلیدی وجهله مدیرلرک
تحت ریاستنده بولنان ناحیه مجلسلری تشکیل محاکم
قانوننک اوچنجی ودردنجی ماده لرنده مرقم وظائف
عدلیه سنی ایفا ایتک اوزره مرکز اداره اولان
ناحیه نك هیئت اختیاریه سنندن واهالیسی صنوف

متعلق وظائفی دخی قباحت نوعندن اولوب بش
بشلیکه قدر جزای نقدی اخذینی ایجاب ایدن جرائمه
کذلک قطعی وبومقدار جزای نقدی بی متجاوز اولان
وهرحالده حبس جزاسنی مستلزم بولنان قباحت
درجه سننده کی افعال وحرکاته قابل استیناف اوله رق
حکم وقرار ویرمک خصوصاته منحصردر .
(مابعدی وار)

محاکمات مقدماتی

در سعادت استیناف مدعی عمر بیلککنده :

مصره صاووشه رق ارباب فسادده التحاق
ایلدیکی ادعاسیله مظنون علیه اولوب حال فرارده
بولنان اغوب طوله تیانک اصول محاکمات جزائییه
قانوننک مواد مخصوصه سی احکامنه توفیقاً
جنایت محکمه سننده محاکمه سی اجرا قلمق اوزره
قانون جزانک الی سکرنجی ماده سی موجبجه
جنایتله اتهامنه قرار ویرلد بکندن متهم مرقومک
هر زرده کوریلورسه طوتیلوب محکمه مذ-
کوره توقیفخانه سنه تسلیمی لازم کله جکی بالجمله
ضابطه عدلیه مأمورلرینک معلومی اولق اوزره
اشبو اخذو کرفت مذکوره سی در سعادت هیئت
اتهامیه سنندن بالتنظیم اعطا قلندی .

وارنه به فرار ایله ارباب فسادده التحاق
ایلدیکی ادعاسیله مظنون علیه اولوب حال فرارده
بولنان اوزونجه بویلی سیاه صاچ و بیقلی وصاغ
النک اورته پارمنی کسینک اوتوز اوچ یاشنده
آرتین ولد کیغورقک اصول محاکمات جزائییه
قانوننک مواد مخصوصه سی احکامنه توفیقاً

مختلفه دن مرکب اولوبده هر صنفه منسوب ومتعدد
هیئت اختیاریه سی بولنان ناحیه مرکز لرنده دخی
بوهیئلرک نهایت درت نفری تجاوز ایتامک اوزره
جلب ودعوت اولنه جق اعضاسنندن لزوم وایجابی
حالنده تشکیلی ایدر . امور تحریرییه سی ناحیه کاتبی
ومباشر لکه عائد وظیفه سیده ناحیه نك ژاندارمه سیله
بکچی وقور یحییی طرفلرندن ایفا قلنور .

ایکنجی ماده ناحیه مجلسلری رئیس ایله
برابر برنجی ماده ده کوستریلان اعضانک نصفندن
لاقل برزیده سی موجود اولدینی حالده امور عدلیه بی
رؤیته صالح عد اولتور . طرفیندن بریله محاکمه سی
وقرابت وعداوتی ودعواده طولایسیله منفعت مالییه سی
اولانلر طلب وادعا وقوعنده هیئندن اخراج ایدیلور .
اوچنجی ماده ریاست وظیفه سیله مکلف بولنان
مدیرلرک غیوبتی حالنده موجود اعضانک اتفاق
واکثریت آراسیله ایچلرندن انتخاب اولنه جق اعضا
ریاست وکالتی ایفا ایلر . شوقدرکه بواتخابده ترکیه
اوقویوب یازمسی اولانلر ترجیح قلنور .

ایکنجی فصل

مجالس مذکوره نك وظائف عدلیه سی بیاننده در
دردنجی ماده نواحی مجالسک مواد حقوقیه ده کی
وظائف اولاً ناحیه به مربوط قرا اهالیسی بیننده
بیک بشیوز غروشده قدر اولان هر نوع آله جق
دعوالریله بومقدار و قیمتی متجاوز اولیان اموال
منقوله وغیرمنقوله به متعلق منازعاتی طرفینک مراجعت
ورضالریله صلاحاً تسویه ایتک ثانیاً صورت صلاحیه به
ربط اولنه میان واصللاً یوز الی غروش ویاخود
بومقدار و قیمته کی اموال واملاکدن متولد اولان
دعای حقویه بی قطعاً یعنی قابل استیناف اولماق
قید وشرطیه حکم ایلک ثالثاً کرک صلاحاً وکرک
حکماً رؤیت وتسویه سی دائره صلاحیت ووظیفه سی
خارجنده بولنان حقوق دعوالرندن طولایی طرفینی
محکمه عائده سنه سوق ایتک کیفیاتندن عبارتدر .

بشنجی ماده مجالس مذکوره نك مواد جزائییه

جنايت محكمه سنده محاکمى اجرا قلتمق اوزره قانون جزائى الى سكرتيرى مادمسى موجبجه جنايتله اتهامه قرار ویرلدیکندن متهم مرقومك هر نرده کوریلور ایسه طویلوب محکمه مذکوره توقیفخانه سته تسليمى لازم کلهجکى بالجله ضابطه عدليه مأمورلرینک معلومى اولمق اوزره اشبو اخذو گرفت مذکوره سى درسعادت هیئت اتهامیه سندن بالتنظیم اعطا قلندى .

محکمه تميز استدعا دائره سندن تنظيم واعطا قلنان اعلامدر :

صاروخان سنجانى بدایت محکمه سى جزا دائره سندن استینافاً لاحق اولوب ۲۳ شباط سنه ۳۲۰ تاریخده تفهیم قلنان قرارى ناطق ۵ اغستوس سنه ۳۲۲ تاریخ ودرتیوز یکرمى عدلى اعلامك تميزاً تدقیقى مستدى صالحلى قصبه سنده مقیم حسین افندى طرفندن ویریلان ۲۸ شباط سنه ۳۲۱ تاریخلى استدعا نامه واوراق مقررعى باش مدعى عمومىلك مأموریت بهیسنك ۵ شباط سنه ۳۲۲ تاریخلى تبلیغنامه سیله محکمه تميز استدعا دائره سته تودیع اولنش ولدى . التدقیق استدعا نامه مذکورك مدت وشروط قانونیه سته موافق اولدینى اكلالشمش اولدیغندن بالقبول تدقیقات تميزیه اجرا سته ابتدار قلندى .

اعلام مذکورك خلاصه مالى یکدیگری ضرب ایلدکلى ادعاسیله مظلون علیهما اولان مرقوم حسین ایله عبداللهك اجرا قلنان محاکمه لری نتیجه سنده فعل مذکوره اجتناسلرلى شهود مستمعنك شهادتیه ثابت اولدیغندن قانون جزائى یوز یتش طقوزنجى مادمسى حکمنه توفیقاً برهفته مدتله حبسلرینه دائر لاحق اولان حکم ابتدائى عاپنه مرقومون طرفلرندن ویریلان استیناف استدعاسى اوزرینه غیاباً واستینافاً سبق ایدن تدقیقات نتیجه سنده حکم ابتدائىك تصدیقى متضمن لاحق اولان قرارعلیه نه مرقومون طرفلرندن معطى اعتراض على الحكم استدعاسى اوزرینه جریان ایدن محاکمه وجاهه لری نتیجه سنده مرقومان طرفندن كرك استیناف وركك اعتراض استدعا لرنده برکونه اسباب فسخته بیان اولنه مدیغندن حکم ابتدائى مذکورك تصدیقه قرار ویرلدیکندن عبارتدر .

لايحه تميزیه ده استینافاً تنظيم قلنان جاب مذکوره سنك کندوسنه تبلیغ اولدیغنه وجلب مذکوره سنده مختوم اولان مهر ایله مهر ذاتینك تطبیق حقه ده

ادعائك نظر دقه التدیغنه ضایع اولدینى اكلالشیلان استیناف استدعاسنك بولدرلمسى خصوصنده محاکمه یوم آخره تعلیق اولدیغنى حالده بولدرلمق سزین دوام محاکمه اولنسنك مخالف اصول اولدیغنه وشهود مستمعنك نك عندالاستیناف استماع اولندقلرینه وسائره دائر اعتراضات سردیه اعلامك تقضى استدعا ایدلشدر . تبلیغنامه ده دخى لايحه تميزیه ده درمیان اولنان اعتراضات غیر وارد اولدیغندن ذکر اولنان تميز استدعاسنك ردی طلب اولنلشدر .

ایجابى لدی المذاکره محکمه استینافیه جه اعلام ابتدائى فسخ اولدیغنى تقدیرده توسیع تحقیقات اولنه جنى صراحت قانونیه اقتضاسندن ایسه ده اعلام میزیه مندرجاتى عندالتدقیق حکم ابتدائى بی تصدیقن عبارت کورلمش واستیناف استدعاسنك تاریخ اعطالى محکمه جه تدقیق اولنش بولنسه نظراً لايحه تميزیه ده سرداولنان اعتراضات غیروارد بولنش اولدیغندن برموجب طلب استدعا نامه مذکورك ردیه اعلام استینافنك تصدیقه ۱۳ حزران سنه ۳۲۳ تاریخده متفقاً قرار ویرلدی .

احمد قتل قصديه تشهير سلاح ایلدیکى ادا اولنسنندن دولایى جنايتله اتهام اولنان اوستویانك اوج سنه مدته کورک قولنسه دائر کومالجه سنجانى بدایت محکمه سى جزا دائره سندن ویریلان ۹۱ نومرولى اعلام

سعدانك وفاته سببت ویردیکى ادا اولنسنندن دولایى جنايتله اتهام اولنان توفیق بن یوسف القرامانينك دى سنه مدته کورک قولنسه دائر طرابلس شام بدایت محکمه سى جزا دائره سندن اعطا قلنان ۳۰۳ نومرولى اعلام

عزت بن سليمانك كیفیت قتلندن دولایى جنايتله اتهام اولنان ادیک اوغلى کاظمك اون بش سنه مدته کورک قولنسه دائر اذمید سنجانى بدایت محکمه سى جزا دائره سندن اعطا قلنان ۲۹۵ نومرولى اعلام حاجى مصطفانك كیفیت قتلندن دولایى جنايتله اتهام اولنان حاجى محمدك اون بش سنه مدته کورک قولنسه دائر صاروخان سنجانى بدایت محکمه سى جزا دائره سندن اعطا قلنان ۳۹۰ نومرولى اعلام

مختار محمدك ماده قتلندن دولایى جنايتله اتهام اولنان حسن بن ذوالفقارك اون بش سنه مدته کورک قولنسه دائر معموره العزیز ولايتى استیناف محکمه سى جزا دائره سندن اعطا قلنان ۵۱ نومرولى اعلام

هاشم بن عمرى قتل ایلدیکى ادا اولنسنندن دولایى جنايتله اتهام اولنان محمد بن صادقك اون بش

سنه مدته کورک قولنسه دائر مناستر ولايتى استیناف محکمه سى جزا دائره سندن اعطا قلنان ۱۰۳ نومرولى اعلام

پنايوط آغیلارنى قصداً احراق ایلدیکى ادا اولنسنندن دولایى جنايتله اتهام اولنان تئودوسك بدایت محکمه سى جزا دائره سندن اعطا قلنان ۹۰ نومرولى اعلام

ابراهيم اغانك آخوری احراق ایتدکلى ادا اولنسنندن دولایى جنايتله اتهام اولنان عارف بن حسینك اوج سنه مدته کورک قولنسه ورفیق دیمونك صغرى حسینله ولسنه تسليمه دائر اردنه ولايتى استیناف محکمه سى جزا دائره سندن اعطا قلنان ۱۵۶ نومرولى اعلام

آقره قصبه سنك شنكل حامى کلخنجيسى قتاد اوغلى علی بی ضرب ایله وفاته سببت ویردیکى ادا اولنسنندن دولایى جنايتله اتهام اولنان امین بن حسینك بش سنه مدته کورک قولنسه دائر آقره ولايتى استیناف محکمه سى جزا دائره سندن ویریلان ۱۵ نومرولى اعلام محکمه تميز جزا دائره سنجه تصدیق قلنلشدر .

۵۹۶ نومرولى نسخه ده مندرج درسعادت جنايت محکمه سى اعلامنك مابعدى :

على هذا ضابطه عدليه تقریری وطیب راپورلری اوقوتدیرلدى بولردن ایوب مرکزینك ۲۱ ایلول سنه ۳۲۲ تاریخلى تقریرنده ماحال رومینك یکرمى ایکنجی جمعه کیجی ساعت ایکی بقی قرارلرنده قزل مسجد محله سى کجیسی شیرولى علی اغا مرکزه مراجعتله محله مذکوره ساکن خالداک یالکز اوله رق دکرمان زقاغنده کراسته جى دکانى اوکنه کله رک دوشدیکى کورمسیله ومرقوم بنی اومه کوتور دیسیله مرقومى سرخوش ظن ایدرک خانه سته کوتوردکده بوینده وقارنده دم لکله لری کوردیکى افاده و بیان ایسیله تحقیق مأمورلرندن غالب ومصطفی افندیلر ایله برلکده کیدیلرک خانه سنده مجروح خالد استجواب اولندقه محل مذکوره ایوب اغانك تکیه سنده ساکن اسمر بکزی جوجق ایله بلاطه کیدرک عشرت ایتدکلى وبوجه ته کلورلر ایکن جمعه بازارنده سیل اوکنده مرقوم کندوسنى شیش ایله جرح ایلدیکى اتیان ووالده سى دخى اخشام اوزری طعام ایتمکده لر ایکن ترسانه دن مطرود معروف کله رک مخدومى ایله برلکده کیتدکلى و جارجك مرقوم اوله جفنى درمیان ایلیش اوللرینه مبنی معروف دردست اوله رق اوزری

بولندیغنى سویلیان اوتوز بریاشنده کرده دلی غالب افندی اینرشدی بکن ولادت هاپون کیجی سى دوریه کرسکده اولدقلری صروده ساعت ایکی بقی راده لرنده بحیره صبیان بلوکى افرا دندن خالداک جرح ایدیلرک خانه سنده یاتمقده اولدیغك اخبار ایدلسى اوزرینه خانه سته کیدرک مرقومك قارندن بویندن و آرقه سندن اولمق اوزره اوج محلندن مجروح اوله رق یاتمقده اولدیغنى کورمسیله سنى کیم اوردی دیدیکنده قره قاش وکوزلى اسمر بکزی برلسى جرح ایلدى دیدیکى و اوصروده مجروح مرقومك سکرچال اولدیغنى وقارنده کى جرحه سى سیدیه باغز صاقلری طیشاری چقمش اولدیغندن سیدیه ایله موسوى خسته خانه سته کوندر دکرلری ومؤخرأ معروف نامنده بر شخص دردسته مرکرده استجواب اولندقه بن اوردم لکن دها کرمدمی انک بکا یالدیغنى بن بیلوردم دیو سولدیکنى وحقده شهادت ایتدیکى شخصك حضور محکمه ده کى متهم معروف اولدیغنى اخبار ایلدى .

نه دیه جکی سوریلان متهم یالکز قبول ایتم

دیدى .

(مابعدى کله جک نسخه یه)

مخالفان لایتنانیه

سلورى قضای بدایت محکمه سى اعضاى سابقه سندن اوده سف افندینك اثنای مأموریتده وظیفه قانونیه سى سوء استعمال ایلدیکى درسعادت عدلیه مفتش لکندن وارد اولان اوراق تحقیقه مندرجاتندن مستبان اولسنه مبنی محاکمه آتته آلمسته عدلیه نظارت جلیله سنجه مأذونیت اعطا ودرسعادت استیناف محکمه سى مدعى عمومى لکنه تبلیغات مقضیه ایضا قلنلشدر .

اعلانات

درسعادت استیناف مدعى عمومى لکندنه :

بیك اوچوز یکرمى بش سنه سى محرمك اوننجی کیجی سى مرجان جاده سنده توننجی حاجى محمودك دکانندن آلت مخصوصه استعمالیه فعل سرقه مجاسرت ایلدکلى ادعاسیله مظلون عاپمادان اولوب غیر موقوف بولنان قومقو نشانیجه سنده یکرمى ایکی نومرولى خانه ده ساکن خالى اورنجیسی اورته بویلى قره چایق قاشلى اورته اغز ورونی قرال بیقلى آچیق آلینى مدور

تحرى اولندقه برشى ظهور ایتماش افاده سته مراجعت اولندقه بعض ارقداشلرنى صورمق اوزره خالداک خانه سته کیمش ایسه ده برلکده کریمک کیمدیکنى ومصطفی نامنده بر شخص ایله بلاطه برمیخانه ده عشرت ایتدیکى سولیه رک فعل جرحی منکر بولنش و مجروح مرقوم دخى بامذکره موسوى خسته خانه سته کوندرلش اولدیغنى ازبار قلنلش و ۲۳ ایلول سنه ۳۲۲ تاریخلى اولان برنجی راپورده خالد موسوى خسته خانه سنده معاینه اولمق اوزره ۲۴ ایلول سنه ۳۲۲ تاریخده محل مذکوره کیدلکده صول مراقبى اوزرنده قائماً واقع آلت قاطعه اوچله حاصل اوج بقی سانیتمرو طولنده عمق جوف بطه نافذ برعدد جرحه کورلمش واشبو جرحه دن شرب کیرک بیوک بر قطعه سى خروج ایتش اولدیغنى وکذا صدرینك ایسر طرفى اونجی ضلعى حذا سنده مسترضأ واقع عمق مجهول ایکی سانیتمرو طولنده دیگر برعدد جرحه وناحیه رقیه سى ایسر نه مائلاً واقع اوج سانیتمرو طولنده بش سانیتمرو عمقده بر عدد جرحه بولدیغنى طیب مداوی سى طرفندن بیان قلندیغنى ۲۸ ایلول سنه ۳۲۲ تاریخلى بولنان ایکنجی راپورده دخى مرقوم خالداک بحیره مرکز خسته خانه سنده وفات ایتمى جهتله طیب اعزام قلندقه مذکور خسته خانه اطباءى جانبندن ویریلان راپورده متوفای مرقومك عنقك جهت خلفیه سنده عالدین اسفله طوغری ایکی اوج سانیتمرو طولنده یالکز جاده منحصر بر و صدر ایسرک جهت سفلیه سنده اونجی ضلع حذا سندن بدأ ایله ناحیه قطنیه سنك قسم سفلیسه طوغری عالدین اسفله تقریباً الی بدی سانیتمرو طولنده طولانى بر جرحه قاطعه نافذ بطنیه مشاهده اولدیغك ومتوفانك اشبو جریجه دن متحدث التهاب فوق الحاد بریطونیدن متأراً وفات ایلدیکنك بیلدرلش اولدیغنى ازبار قلنلشدر .

قرائت اولنان اوراق مندرجاتنه قارشونه دیه جکی متهم مرقومدن صورلدقه وقعه کیجی سى خالد ایله برلکده کریمک کیمدیکنى ومرقومى جرح ایلدیکى سوزنده اصرار ووقوعای حسینله بحیره صبیان بلوکندن طرد اولدیغنى تذکار ایلدى .

مدعى عمومى لک مقامندن معطى شهود بوضله سنده اسمیسی محرر اولوب دعوت واقعه یه اتباعاً ورود ایتدکلى خبر ویریلان شاهدلر برر برر حضور محکمه یه چیقاریلرک لدی السؤال طرفینه قرابت ومناسبت وخصوصت لری اولدیغنى سولیه رک علی الاصول امر تحلیف لری بعدالاجرا مواجهه استماع اولندقلرنده بولردن مقدما ایوب مرکزنده والیوم بك اوغلنده مستخدم اولدیغنى ونظامیه تحقیق مأمورلرندن

چکلى اسمر بکزی اوتوز بریاشنده ایرانى کاظمك اصول محاکمات جزائیه قانوننك مواد مخصوصه سى احکامنه توفیقاً موقوف بولنان رفیق حسن ایله برلکده جنايت محکمه سنده محاکمه لری اجرا قلتمق اوزره قانون جزائى ایکیوز یکرمى مادمسى موجبجه جنايتله اتهامه قرار ویرلدیکندن متهم مرقومك هر نرده کوریلورس طویلوب محکمه مذکوره توقیفخانه سته تسليمى لازم کلهجکى بالجله ضابطه عدليه مأمورلرینك معلومى اولمق اوزره اشبو اخذ وکرفت مذکوره سى درسعادت هیئت اتهامیه سندن بالتنظیم اعطا قلندى .

بك ارفى بایت فکرسى ایکنى مرقوم دائره سنده :

بشکطاشده حاللر اسکه سنده ساکن شریف اعضاسیله بك اوغلى بدایت محکمه سى ایکنجى حقوق دائره سته ویریلان عرفخالده محل مذکوره حطب اسکه سنده کورجى عبده اغانك اوطله سنده مقیم جمعه اونباشى ذمتده برقطعه سند موجبجه مطلوبى اولان بیك طقوز یوز سکسان غروشك مع قاقض ومصارف محاکمه تحصیلی طلب ودعوى اولنسى اوزرینه تنظيم ولاجل التبلیغ خدمه سى معرفیه ارسال قلنان دعوتنامه زیرنه مرقوم محل مذکورى ترك ایدرک کیتدیکى والیوم نرده مقیم اولدیغك مجهول ایدوکى سنان پاشای عتیق محله سى مختار نایسیله خدمه سى طرفندن شرح ویرلدیکى کورلمش وبناء علیه مرقومك اقامتکاهى مجهول بولنش اولدیغندن اصول محاکمه حقوقیه قانوننك یکرمى التنجی مادمسه توفیقاً دعوى مذکوره نك اوچوز یکرمى اوج سنه سى اغستوسنك یدنجی صالى کونى رؤیت اولنه جفته دائر تنظيم قلنان دعوتنامه نك محکمه دیوانخانه سته تعلیق اولدیغنى ومرقوم جمعه اونباشى یوم مذکوره ساعت بش راده لرنده محکمه ده بالذات اثبات وجود ایتدیکى ویا طرفندن بروکیل بولندیرمدینى حالده حقه ده معامله غیایه اجرا قلنه جنى اعلان اولنور .

نجات بحر به فکر سنده

بلاطده بللیجیار زقاغنده دکاننده ساکن ایکن تجارت بحیره محکمه سندن افلاسنه حکم اولنش اولان نعلبور یاشوعا لونینك خصوصات افلاسیه سنك رؤیت وتسویه سى ضمننده دعوى وکیللرندن محمدصادق ومارقو ناخوم افندیلر اصالة سنديك تعین قلنلش اولدقلرندن مفلس مرقوم ذمتده آله جنى اولانلرک قانوننامه تجارتك ۱۹۹ و ۲۰۰ نجى مادمه لری موجبجه تحقیق دیون ایچسون تاریخ اعلاندن اعتباراً یکرمى برکون

ظرفنده سنداتی محکمه کاتبه تسلیم ایلمری ومدت مذکوره ختامندن صکره اوچ کونده یعنی اوچیز یکریمی اوچ سنه سی اغستوسنک طقوزنجی پنجشنبه واون برنجی جمعه ایرسی واون اوچنجی بازارایرتسی کونلری تجارت بحریه محکمه سنک مصالح افلاسیه رؤیتنه مخصوص اوپه سنه کلهرک سنديک افنديلر مواجهه سنده آله جقزلری اثبات وقید وتصديق ایتدی رملری ومدت مذکوره ده اثبات وجودایده میان آله جقزلر حقهده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور .

ایکنجی تجارت محکمه سنه :

بالق بازارنده یکی خانه وصامسونده بغدادی بازاری اتصالده منزخانه سوقاغنده مغازه لرده مقیم قهوه وشکر تجارتیه مشغول اقیتم و مینازاخیادی شرکتک ۱۹ تموز سنه ۳۲۳ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمننده اعضای محکمه دن سعادتلو رضا بکک ژور قومیسر ودعوی رکیللرندن خره لمبوس پاپا و واسیلاکی زاخاریادیسک موقت سنديک تعیینلرینه ومغازه سیله دپولرنده کی اموال تجاریه واشیای زائده بیتیه سنک تمهیرینه واوراق ودفاترینک جلبنه وکفالت مصدقه ارايه ایدهمدیکی تقدیرده حبس وتوقیفنه وبو باده کی قرارک موقتاً اجراسنه محکمه جه قرار ویرلمش اولدیغندن قانوننامه تجارتک یوز یتیمنجی ماده سی موجبجه دائمی سنديککلر انتخاب اولنق اوزره اصحاب مطلوبک اشبو بیک اوچیز یکریمی اوچ سنه سی اغستوسنک دردننجی جمعه ایرتسی کونی ساعت یدی راده لرنده محکمه نک افلاس معاملاتنه مخصوص اوپه سنه کللری لزومی اعلان اولنور .

قاطرچی اوغلی خاننک قارشوسنده مغازه ده مقیم مانیفاطوره تجارتیه مشغول لازاری نیقولائی دیسک ۱۹ تموز سنه ۳۲۳ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمننده اعضای محکمه دن عزتلو سانج بکک ژور قومیسر ودعوی وکیللرندن آغوب بحری وپورغاکی اقیماندیس افنديلرک موقت سنديک تعیینلرینه ومغازه سیله دپولرنده کی اموال تجاریه واشیای زائده بیتیه سنک تمهیرینه واوراق ودفاترینک جلبنه وکفالت مصدقه ارايه ایدهمدیکی تقدیرده حبس وتوقیفنه وبو باده کی قرارک موقتاً اجراسنه محکمه جه قرار ویرلمش اولدیغندن قانوننامه تجارتک یوز یتیمنجی ماده سی موجبجه دائمی سند یکلر انتخاب اولنق اوزره اصحاب مطلوبک اشبو

بیک اوچیز یکریمی اوچ سنه سی اغستوسنک ایکنجی پنجشنبه کونی ساعت یدی راده لرنده محکمه نک افلاس معاملاتنه مخصوص اوپه سنه کللری لزومی اعلان اولنور .

درسعادت اعمومات نظامیه اجرا دائره سنه :

خدیجه دریه خاننک احمد عادل افندی ذمتنده آلاجنی اولان مبالغک تأمین استیفاسیچون مومی الیهک عهده تصرفنده اولوب مرهون وفروختی محکوم بولنان آقبرایده غربا حسین آغا محله سنده شکرچی زقاغنده واقع تخمیناً التمش ایکی مترو عرصه اوزرینه مبنی زمین قاتیه برابر اوچ قاتدن عبارت بش اوپه برتخته پوش وبرمطبخ وبرقیوی حاوی اخشاب اون یدی نومرولو خانه تمامنک تاریخ اعلاندن اعتباراً اون بش کون صکره بالمزایده فروخته تشبث اولنه جنی درسعادت اعلانات نظامیه اجرا دائره سنندن اعلان اولنور .

متوفی علی افندیکن اوقاف هایون نظارت جلیله سنه دینی اولان مبالغه مقابل متوفانک عهده سنده بولنان قاسم پاشاده جامع کیرمحله سنده باشخانه زقاغنده واقع تخمیناً یوزاللی ارشوندن عبارت برقطعه عرصه نک تمامی لیرا یوز غروش حسابیه یوز الی غروشد طالبی عهده سنده تقرر ایلش اولدیغندن یوزده بش ضم ایله طالب اولنلرک تاریخ اعلاندن اعتباراً اوتوز برکون ظرفنده درسعادت اعلانات نظامیه اجرا دائره سنه مراجعت ایلمری اعلان اولنور .

بک ارغلی بیت محکمه سی اجرا دائره سنه :

بک اوغلنده طوغری یوله حلب خانی ایچروسنده اون بش نومرولی بقال دکاننده مقیم ایکن ایوم اقامتکاهی مجهول بولنان بقال لیغور ولد قوزمه ذمتنده الهجنی اولان درتیک یدی یوز یکریمی ایکی غروشک اخذینه موفق اولهمدیغندن اعلاناً تبلیغات لازمه اجراسیله بالحاکمه مبلغ مذکورک مع فائض ومصارف محاکمه و اجرای موقت تحصیلی بک اوغلنده یوکسک قالدیرمده حمیدیه چشمه سی قارشوسنده بشیوزطقسان اتی نومرولی قهوه خانه ده ساکن خره لمبو ولد کریاقو امضاسیله ۷ تموز سنه ۳۲۲ تاریخنده محکمه یه اعطا اولنان عر فخالده طلب اولنهرق اولبایده تسطیر اولنان دعوتیه ورقه سی ظهیرینه خدمه سی طرفندن یازیلان شرحده مرقومک مارالذکر دکاتی سدایدرک نزهیه کیتدیکی بیلنه مدیکندن اقامتکاهی مجهول اولدیغنک آکلاشلمش ایدوکی بیان واشعار

قلعش وشو صورتده مدعی خره لمبونک اعلاناً تبلیغات اجراسی حقهده کی طلبی اصول محاکمه حقوقیه قانوننک یکریمی التنجی ماده سنه موافق کورلمش اولدیغندن تبلیغات لازمه نک اوراق حوادثله اعلاناً ایفاسی وامر محاکمه نک سنه حاضره اغستوسنک یکریمی التنجی چهارشنبه کونی ساعت التیده اجراسی قرارلشدیرلمش واولبایده کی استدعا صورتیه دعوتیه ورقه سی محکمه دیوانخانه سنه تعلیق ایدلمش اولدیغندن مرقوم لیغورک یوم ووقت مزبورده محکمه یه بالذات کلکی ویاخود مصدق بر سنده بر وکیل کوندرمسی لزومی وعکس حالده قانون مذکورک یوز قرق بشنجی ماده سی موجبجه ومدعینک طلبیه دعوانک غیاباً فصل ورؤیت اولنه جنی اعلان اولنور .

قلعه سلطانیه بیت محکمه سی اجرا دائره سنه :

قلعه سلطانیه یه تابع قره جه ویران قریه سنندن چاقر مصطفی اوغلی رجی جرح و قتل ایتدیکی ادعاسیله مظلون علیه اولوب درسعادت هیئت اتهامیه سنندن جنایتله اتهامه قرار ویرلن قلعه سلطانیه قصبه سنندن صالح افندی چقتلکی قوریحیسی پرزرین سنجاغنه تابع پلاوه قریه لی اورتیه بویلی اینجه قره بیقلی بغدادی بکزلری اورتیه آغز وبرونلی سیاه کوزلی یکریمی ایکی یاشلرنده نوری بن مسلم قرار ایدرک الآن اله کپریله مامش اولدیغندن ناشی اصول محاکمات جزائییه قانوننک اوچیز یتیمش برنجی ماده سی موجبجه قانونه اطاعتله محکمه یه کلکی ایچون جانب ریاستدن کندوسنه مجدداً اون کون مهل ویرلمش اولدیغندن مدت مذکوره ظرفنده اثبات وجود ایتدیکی حالده محاکمه سی غیاباً بالاجرا حقوق مدنی دن اسقاط و اموالی حجز ایدیله جکی وبوبایده برکونه دعوی اقامه سنه حق اولهمیه جنی کبی بولندینی محلی بیلنلر خبر ویرمکه وبالجمله ضابطه عدلیه مأمورلرینک مرقومی درست ایتکه مجبور بولندقلری اعلان اولنور .

بولهنت اجرا دائره سنه :

بولهنتلی دیمتری پنا یوطا کینک استراطی ققالیا ذمتنده محکوم به مطلوبنک تأمین استیفاسی ضمننده مدیونک آیولاموقعنده کائن استماط چیچانو وخره لامبو قارقالاملاکی وطریق ایله محدودسکز نومرولو ترلاسنک تاریخندن اون بش کون صکره برای فروخت مزایده یه چقاریله جنی اعلان اولنور .